



Akraneskaupstaður

Faxaflóahafnir sf.
b.t. Gísla Gíslasonar hafnarstjóra
Tryggvagötu 17
101 Reykjavík

Akranesi, 3. apríl 2014
1403169 RÁ/sa

Efni: *Sementsverksmiðjan – sala á Faxabraut 10*

Á fundi bæjarráðs Akraneskaupstaðar þann 27. mars 2014, var samþykkt að auglýsa Faxabraut 10 til sölu en húsnæðið var áður í eigu Sementsverksmiðjunnar á Akranesi. Akraneskaupstaður yfirtók stærstan hluta af eignum félagsins í lok árs 2013.

Faxabraut 10 er um 1200 m², en fasteignamat eignarinnar samkvæmt Þjóðskrá er rúmlega 55 mkr. Húsnæðið sem í daglegu tali er kallað „Gula skemman“ er staðsett á hafnarsvæðinu á Akranesi, en Sementsverksmiðjan nýtti húsið til pökkunar á vörum sínum.

Með vísan til fyrri samskipta Akraneskaupstaðar og stjórnenda Faxaflóahafna varðandi Faxabraut 10, er stjórn Faxaflóahafna hér með upplýst um þessa ákvörðun en samkvæmt reglum Akraneskaupstaðar ber að fara með eignir kaupstaðarins í almennt og opið söluferli. Ákveðið verður á næstu dögum hvaða fasteignasala mun hafa umsjón með sölunni.

Það er von Akraneskaupstaðar að stjórn Faxaflóahafna sýni eigninni áframhaldandi áhuga og kanni til hlítar möguleg kaup.

Ef óskað er frekari upplýsinga um málið veitir undirrituð þær fúslega.

f.h. Akraneskaupstaðar

A handwritten signature in blue ink, appearing to read "Regína Ásvaldsdóttir".

Regína Ásvaldsdóttir,
bæjarstjóri